

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br. 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-11-3962/25-9

Datum: 30.01.2026 godine

Na osnovu člana 72. Stav 3. Zakona o javnim nabavkama (Službeni glasnik BiH broj 39/14, 59/22 i 50/24) i člana 43. Statuta Općine Banovići („Službeni glasnik Općine Banovići”, broj: 2/20), Općinski načelnik donosi

### ODLUKU O DODJELI UGOVORA PETORANGIRANOM PONUĐAČU

#### Član 1.

Ovom Odlukom se Ugovor o javnoj nabavci radova „**Rekonstrukcija i adaptacija prostorija u Bosanskom kulturnom centru**“ dodjeljuje petorangiranom ponuđaču „**ELEKTROCENTAR PETEK d.o.o. Tuzla** sa sjedištem u ulici Ljepunice bb, 75000 Tuzla, sa rang liste uspješnih ponuđača, sa cijenom ponude bez uračunatog PDV-a nakon provedene e-aukcije u iznosu od **249.913,88 KM** (dvjestočetredesetdevethiljadadevestotrinaest i 88/100 konvertibilnih maraka), sa procentom umanjenja 0%.

#### Član 2.

Izabrani ponuđač dužan je **u roku od 7 (sedam) dana** od dana prijema ove odluke dostaviti na adresu ugovornog organa dokumentaciju iz člana 45. Zakona o javnim nabavkama.

#### Član 3

Ovom Odlukom stavlja se van snage Odluka o dodjeli ugovora drugorangiranom ponuđaču broj: 01-11-3962/25-8 od 14.01.2026. godine za javnu nabavku radova u predmetu „Rekonstrukcija i adaptacija prostorija u Bosanskom kulturnom centru“, koja je donesena od strane Općinskog Načelnika općine Banovići.

#### Obrazloženje

Odlukom o pokretanju postupka javne nabavke radova broj: 01-11-3962/25 od 07.11.2025.godine donesenoj od strane ovog organa pokrenut je postupak javne nabavke radova „Rekonstrukcija i adaptacija prostorija u Bosanskom kulturnom centru“.

Postupak nabavke je proveden putem otvorenog postupka javne nabavke za koji je objavljeno obavještenje o nabavci broj: 1220-1-3-112-3-138/25 od 11.11.2025. godine.

Postupak javne nabavke provela je Komisija za javne nabavke imenovana rješenjem Općinskog Načelnika broj: 01-04-2412/24 od 30.12.2024. godine, Rješenjem o izmjeni rješenja broj:01-04-286/25 od 04.02.2025 godine i Rješenjem o izmjeni rješenja broj:01-04-1526/25 od 18.06.2025 godine.

U toku postupka javne nabavke Komisija je zaprimila pristigle ponude, izvršila njihovo otvaranje te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke radova „Rekonstrukcija i adaptacija prostorija u Bosanskom kulturnom centru“, utvrđeno je sljedeće:

- da je ukupan broj pristiglih prijava 5 (pet),
- da su sve pristignute ponude blagovremene,
- da su sve ponude ocijenjene prihvatljivim.

Prema kriterijumu „najniža cijena“, nakon provedene e-aukcije, izvršeno je rangiranje ponuđača i to:

1. „RIMENERG“ d.o.o. Banovići sa ukupnom cijenom 161.000,00 KM,
2. „MONT-FASADEN“ d.o.o. Banovići sa ukupnom cijenom 161.999,00 KM,
3. „4K&ROYAL“ d.o.o. Lukavac sa ukupnom cijenom 219.999,00 KM,
4. „BRAĆA KARIĆ“ d.o.o. Zenica sa ukupnom cijenom 220.000,00 KM,
5. „ELEKTROCENTAR PETEK“ d.o.o. Tuzla sa ukupnom cijenom 249.913,88 KM.

Donesena je Odluka o izboru najpovoljnijeg ponuđača broj: 01-11-3962/25-6 od 15.12.2025.godine gdje je kao najpovoljniji ponuđač izabran „RIMENERG“ d.o.o. Banovići.

Kako bi se stekli uslovi za zaključivanje ugovora, izabrani ponuđač bio je dužan u roku od 7 (sedam) dana od zaprimanja odluke o izboru najpovoljnijeg ponuđača, dostaviti dokaze o ispunjavanju uslova iz člana 45. Stav (1) tačaka od a) do d) Zakona o javnim nabavkama BiH. Budući da je izabrani ponuđač propustio u ostavljenom roku dostaviti tražene dokaze, Ugovorni organ je postupio u skladu sa članom 72. stav 3. tačka a) Zakona o javnim nabavkama BiH i donio Odluku o dodjeli ugovora drugorangiranom ponuđaču „MONT-FASADEN“ d.o.o. Banovići koji je također propustio dostaviti dokaze o ispunjavanju uslova iz člana 45. Stav (1) tačaka od a) do d) Zakona o javnim nabavkama BiH u ostavljenom roku.

Trećerangirani ponuđač „4K&ROYAL“ d.o.o. Lukavac je dana 23.01.2026. godine dostavio dopis broj 9/26, kojim je obavijestio ugovorni organ o odustajanju od daljeg učešća u postupku javne nabavke.

Također, ugovorni organ je dana 23.01.2026. godine zaprimio Obavijest broj 56/26 od 15.01.2026. godine četvrtorangiranog ponuđača „BRAĆA KARIĆ“ d.o.o. Zenica, kojom je isti odustao od daljeg učešća u postupku javne nabavke „Rekonstrukcija i adaptacija prostorija u Bosanskom kulturnom centru“.


Imajući u vidu da su ponuđači rangirani od prvog do četvrtog mjesta odustali od daljeg učešća u postupku, ugovorni organ je, u skladu sa članom 72. stav (3) tačka a) Zakona o javnim nabavkama Bosne i Hercegovine, donio odluku kao u članu 1. ove odluke.

#### **POUKA O PRAVNOM LIJEKU:**


Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

1x Svim ponuđačima  
koji su učeštovali u postupku JN  
1x U spis  
1x a/a



**OPĆINSKI NAČELNIK**

  
**dr. sc. Mehmed Hasanović, dipl. ing. maš.**